

CUSSEGL GROND

Sessiun da december 2022

Dumonda Collenberg concernent giuvenils e politica

In studi realisà per incumbensa da la Cumissiun federala per l'uffanza e la giuventetgna (CFUG) mussa che las persunas giuunas en Svizra èn activas sin plaun politic en bleras differentas furmas. Ultra da quai mussa il studi ch'er ils motivs per la cooperaziun a la politica èn fitg differentes. In potenzial da meglieraziun vesan ils giuvenils cunzunt tar il rinforzament da la furmaziun politica, tar la reducziun da barrieras d'access a purschidas existentas e tar la creaziun da spazis d'emprender per sa participar a la politica.

Il studi ch'è vegnì realisà per incumbensa da la CFUG e che porta il titel «Politische Partizipationsformen und Motivation von Jugendlichen sich zu engagieren» sa basa sin ina vasta chapientscha da la participaziun politica. Tala cumpiglia explicitamain er furmas da participaziun betg instituziunalas e formats digitals ch'èn averts a tut ils giuvenils. Latiers tutgan parlaments da giuvenils e cussegls da classa, projects participativs per construir ina via da velos, in festival da cultura davart il tema «rassissement» u in barat cun persunas da la politica locala, ma er la furmaziun da l'opiniun en il ravugl dals amis, il consum sapientiv (p.ex. boicot), demonstraziuns u rimnadas da sutscrizziuns. La participaziun politica da persunas giuunas è perquai er multifara.

Sin basa da quests resultats ha la CFUG elavurà las suandantas recumandaziuns per promover la participaziun politica dals giuvenils:

- resguardar il mund da viver da las persunas giuunas,
- svegliar l'interess politic,
- facilitar l'access a las purschidas,
- crear spazis d'emprender per sa participar a la politica,
- promover la furmaziun politica en scola,
- pussibilitar ina participaziun seria ed efficazia.

Sut quest aspect vulan las sutsegnadras ed ils sutsegnaders savair da la Regenza:

1. Co giuditgescha la Regenza ils resultats dal studi?
2. Examinescha il chantun las recumandaziuns da la CFUG numnadas qua survar e deducescha el eventualmain mesiras?
3. Tge potenzials supplementars per promover la furmaziun politica dals giuvenils deducescha la Regenza dal studi menziunà?

Cuira, ils 7 da december 2022

Collenberg, Rettich, Righetti, Bardill, Baselgia, Berther, Bettinaglio, Bischof, Bisculm Jörg, Bleuler-Jenny, Brandenburger, Brunold, Censi, Cramer, Danuser (Cuira), Danuser (Cazas), Della Cà, Derungs, Epp, Föhn, Furger, Gartmann-Albin, Gredig, Kocher, Kohler, Kreiliger, Lamprecht, Maissen, Mani, Mazzetta, Michael (Donat), Nicolay, Pajic, Preisig, Rageth, Rusch Nigg, Rutishauser, Saratz Cazin, Sax, Schneider, Spagnolatti, Tomaschett, Widmer, Zanetti (Sent), Zindel